

Pasin blong stap onlain na konek na serim samting em i gat amamas blong en, tasol wankain tasol yu inap long bungim sampla birua.

Ol birua onlain olsem: daunim narapla, kros na tok nogut; kisim ol poto o mesej ino gutpela; ol lain askim long serim ol piksa na toktok yu yu no pilim gutpla o ino seif; o ol tokim yu long go insait long ol pasin blong pait, o ol pasin bai bringim birua na ol pasin i save brukim lo.



Yu ken kisim eksen

Sapos yu kisim taim o yu no bin pilim gut long taim sampla samting kamap onlain we i mekim yu pret, igat ol step i stap we yu ken kisim long banisim yu yet:

1. Kisim liklik malolo long bihainim ol konek wantaim sampla kain pipel, o stap longwe liklik long intanet sapos yu mas.
2. No ken bekim ol rikwes i kam long ol lain yu no save long ol Save long ol man/meri pastaim bihain yu ken edim ol olsem 'pren'.
3. Yu ken Unfollow, unfriend o blokim ol pipel husat yu no laik long pren wantaim ol moa. Tingim, em orait sapos yu les long konek wantaim sampla lain husat yu no laikim.
4. Rausim ol toktok we ol arapla lain i postim long profail blong yu o long mesej ol salim we i mekim yu kros.
5. Ripotim olgeta samting we i mekim yu pilim bel hevi o ino seif. Sapos yu lukim ol toktok we yu ting em i brukim sampla polisi o pletfom yu wok long yusim, ripotim long ol. Blong save moa long hao long ripotim ol pipel, grup, post o mesej long Facebook, go long [Help Senta](#).

Ating yu mas ritim [Facebook Komyuniti Standet](#) long save long wanem samting yu ken larim na wanem yu no ken larim long kamap long pletfom.

6. No ken postim ol pesonal stori blong yu bikos planti lain i save lukim. Dispea stori blong yu olsem adres we yu save stap, ol famili stori blong yu, ol benk akaun namba o ol paswod.
7. Askim wanpla man/meri yu trastim long kisim edvais o sapot. Lain olsem papa o mama blong yu, brata/susa, tisa, sios o komyuniti lida o wanpla pren.
8. Sapos yu laikim helpim hariap, kontekim wanpla lokal sapot ogenaisesen o lokal atoriti.

Blong kisim [moa toksave](#), yu ken painim sampla moa risos blong helpim yu long:

[netsafe.org: Advice for Young People](#)
[getsafeonline.org: Protecting Yourself](#)

